

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Atlas minor Gerardi Mercatoris

Mercator, Gerhard

Amsterodami, 1610

Valachia, Servia, Bulgaria, Romania

[urn:nbn:de:bsz:31-118360](https://nbn-resolving.org/urn:nbn:de:bsz:31-118360)

VALACHIA.
Regio unde dicta

Situs.

Solifertilitas.
Animalium va-
rietas.
Opida.
Flumina.

SERVIA.

Urbes.

BULGARIA.
& unde dicta.
Situs & Soli
qualitas.
Urbes.

VALACHIA a *Flaccis* Quiritum gente appellationem habet. Romani enim Getis superatis & deletis, *Flacci* cujusdam ductu eo Coloniam deduxere, unde primum *Flaccus*, deinde corrupta voce *Valachia* dicta. Hæc etiam Transalpini nominis originem ex re sortita est. Alpibus enim & montibus continuis, & his quidem altissimis, ab Hungaria & ejus potissima Transilvania parte, nemorosisque passim amœnisque interuenientibus Silvis dividitur & terminatur. Habet autem ab Ortu piscosum Lacum, quem Hierafus amnis incolis *Pruth*, efficit: ad Meridiem vergit terminata Danubio, atque item ab Occasu Transilvaniz fines attingens, ad Opidum Severinum, ubi Trajani pontis admirabiles pilæ xxxi v visuntur. Ad Septentrionem autem finitur *Hoina*, ignobili flumine, & directis terrestribus terminis ad Istrum, curvata admodum regionis fronte contra *Paucem Insulam*, antiquis Scriptoribus notam, quam hodie *Barillman*, dicunt. *Valachia* autem, licet altissimis sit innexa montibus, nihil tamen ei deesse comperitur, quod usui humano necessarium videri possit. Ad hæc dives Auri, Argenti, Ferrique ac Salis fodinis. Nec Vinæ defunt: nec varii generis Animalia: in primis Equos alit insignes Alturcones optimos, aliosque magna copia. Hic *Ternovizza* Opidum Vavodæ sedes, est. Alia opida sunt *Braila* & *Trefcortum*, non longe a quo effoditur bituminis species, ex quo sicut ex cera optimæ candelæ conficiuntur. Reliqua hujus regionis per Pagos & Villas habitantur. flumina sunt *Hierasus*. Incolis *Pruth*, *Hoine*, *Danubius*, alia.

SERVIA, *Mæsia Superior* Lazio, regio inter Bosniam & Bulgariam. Hanc antiquam *Triballorum* regionem esse multi putant. Et hi quidem populi huc ex Septentrione, debilitatis Imperii Rom. Græcique viribus, commigrarunt. *Dardanos Serviam* & *Rasciam* habitasse, scribunt Cuspinianus & Volaterranus. Regia Serviz Vrbs fuit *Sinderovia*, quam alii *Spenderoben*, & alii *Simandriam*, vel *Semendriam*, Turcæ *Semender*, Hungari *Zendrew* vocant, quæ quidem non procul a Belgrado ad Danubii ripas jacet, & capta fuit ab Amurathe Turcarum Imp. anno cccccxxxviii, & in Sangiacatum redacta sub Budensi Beglerbego. Nobilita quoque Opida sunt *Vidna*, quod Turcis *Kvatovum* appellatur, ad montem Argentarum situm, redactum in Sangiacatum Temisvarensi Beglerbego subiectum. *Novogradum* in finibus Serviz, quod quidam porperam novum montem appellant. Arcem habet inexpugnabilem. *Mons Niger*, ubi sunt Argenti fodinæ admodum nobiles. Sunt & *Samsandria*: *Prisdæna* patria Iustini Imp. *Stonibrigadum*, & *Belgradum* antea *Taurinum* dictum.

BULGARIA quasi *Volgaria* dicitur, quia nimirum hujusmodi populi profecti a Volga circa annum Domini idlxvi hanc regionem occuparunt. Hanc quidam esse Veterum *Mæsiam inferiorem* putant. Iacet inter Serviam, Romaniam ac Danubium. Regio magna ex parte montibus, aspera, & juxta dorsum Hæmi montis producta modo versus Danubium, modo versus Romaniam: unde media ipsa regio asperior est: decliviora loca silvis obfita sunt & Solitudinibus occupata. Metropolis hic *Sophia*, quam Pt. *Tibiscum* Opidum,



dum, Niger putat. Hic sedem habet Beglerbegus Græciæ, qui Turcis dicitur *Rumeli Begerbeg*, habetq; Sangiacatus sub se i & xx. Sunt & *Serratum* civitas Bulgaricæ insignis. *Nicopolis*, hæc a Sangiacis regitur. Prope hanc civitatem vestigia super sunt pontis admirabilis maximeque stupendi, quem construxit supra Danubium Trajanus Imperator, dum contra Getas pugnaret.

ROMANIA.

Regio & unde
dicitur.

Situs.

Cæli & Solis
qualitas.

Urbes.

BVLGARIÆ *Romania* proxima est, sic dicta ab urbe præcipua Constantinopoli, quæ *Roma Nova* etiam dicebatur. Olim *Thracia* appellata fuit, vel a *Thrace* Martis Filio, vel a *Thrace* Nympha, vel potius a feritate, seu temeritate. Separatur a Macedonia Strymone fl. ad Septentrionem est Hæmus, cetera Mare adluit. Regio nec Cælo læta, nec Solo: & nisi qua Mari propior est, infœcunda, frigida, eorumque quæ feruntur, maligne admodum patiens. Versus mare vero Frugibus, Frumento & Legum inibus fecunda. Raro usquam pomiferam arborem, Vitem frequentius tolerat: sed nec ejus quidem Fructus maturat ac mirigat, nisi ubi frigora objectu frondium cultores arcuerunt. Urbes habet *Abderam* Democriti patriam: *Nicopolim*, *Philippopolim*, *Hadrianopolim*, *Trajanopolim*, *Selymbriam*, *Perinthum*, aliasque complures. Metropolis est *Byzantium*, conditum a Pausania, nunc *Constantinopolim* vocant a Constantino, qui ibi sedem Imperii esse voluit. Turcis dicitur *Stampolida*, quasi ampla Civitas. Sita est ad Euripum, habetque ex adverso *Peram*, quam vocant *Galatam* in cornu Byzantino, veterem Genuensium Coloniam. Multa admodum in urbe sunt vetustatis monumenta partim illic primum posita, partim Roma illuc allata. Præcipua hæc sunt. Templum Sophiæ, opus Iustiniani Imp. Palatium Constantini, Columna Serpentina, & altera quæ historiata nominatur. Templum S. Lucæ, Navale, Caltrum novum, Colossus, Gynæcerum, Hippodromus, Obelisci. Flumina eam duo adluunt, *Cydrus*, vulgo nunc *Machlevam* & *Barbyfus*, *Charværon*. Ambitus urbis est xiiii mill. pass. Incolarum numerus 1000 millia excedit. Regio vero paucos amnes habet, verum celeberrimos, *Hebrum*, *Melanem*, *Tearum*, *Arsium*, *Bathyniam*, *Nestam*. Montes attollit, *Flænum*, *Rhodopen*, *Orbelum*, *Pangæum* & *Messapum*. Parent nunc ista regna Turcarum Imperatori, qui sedem imperialem habet Constantinopoli, & præcipuum ibi palatium. De cujus potentia & regnorum administratione breviter dicam. Ducenti circiter sunt, quibus Turca mandavit singulis quadrienniis per Græciam, Walachiam, Bosniam, & Anatoliam, reliquasque ditiones suas colligere Christianorum pueros masculos ex singulis familiis, tanquam decimas sibi debitas, quos Constantinopolim, Peram & Andrinopolim adducunt, & civibus educandos tradunt, ac minus elegantes in Bursa & Caramania agricolis commendant. Hi omnes *Azamoglam* aut *Jamoglam* vocantur, id est, innocentes & simplices infantes, nihilq; scientes, & cum ad viii annum pervenerint, elegantiores & dociliores in Saray, hoc est, palatium præcipuum Imp. Constantinopoli collocantur usque ad quingentos, ibique in litteris & armis instituntur, donec xx annum compleverint. Ex his eliguntur præter aulam ministros & officiales *Janizari* pedites, quos ad xii millia in sui perpetuam custodiam habet Imp. Ex Janizaris spectabiliores electi *Spachoglani* ad 3000, dexteram Principis claudunt, singuli xv aut v equis servientes, Ex iisdem

Ex iisdem *Silichtar* ad 3000 similiter 1 v aut v equis servientes finistrum Principis latus tuentur. Post hos 11 ordines *Spachoglan* & *Silichtar* equitant *Ulofagi* 5000, ad dexteram Imperatoris & 5000 ad sinistram, qui omnes ex Ianizaris, aut ex abjuratis Christianis, qui fideliter *Beglerbeio* aut *Bassa* servierint, eliguntur. Post hos ultimi sequuntur equites *Chapici*, id est pauperes, qui ex omnibus, Provinciis Turcici Imperii & diversis nationibus, Christianis, Persis, Mauris, Syris, Arabibus, Barbaris & Tartaris sponte ad Imperatoris servitium stipendii causa conflunt, ex quibus 2000 selectiores Imp. serviant. Item ante Imperatorem 200 *Mutaferacha* lanceam gestantes equitant, qui ex servis ob facinus aliquod egregium sunt manumissi, & in nobiles aulae electi. Item (post hos opinor) xxx *Chausiler*, hoc est, Caduceatores ante Principem equitant, qui accursum populi prohibent, & viam Principi aperiunt, supplicationes quoque ipsi tradendas recipiunt. Post hos proxime pedites *Solachi*, qui arcum inauratum cum sagittis portantes 200 Imperatorem praecedunt, 200 sequuntur, & ex utroque latere xxx comitantur. Iuxta hos proxime equum Principis incedunt sine tibialibus & calceis 100 *Picler*, id est Cursores, quos huc illuc in pace ac bello mittat. Hac perpetua est Imperatoris custodia, tempore belli vero habet etiam *Asaples*, qui sunt pedites extraordinarii, & *Caripoglan*: qui sunt equites extraordinarii. Per ditiones autem & Provincias suas in illarum defensionem alia habet praesidia. In limitaneis ditionum Christianorum sunt supra 10000 Ianizarorum, intra provincias autem Turcicas 6000 Ianizarorum sparsim commorantur, nulli *Beglerbeio* aut *Bassa* subiecti, sed immediate Imperatori, & liberi ab omni contributione. Est item per Provincias alia juvenus dispersa ad 10000 ex qua suppleri possint, qui in limitaneis provincialibus ordinibus defecerint. Reliquae omnes copiae militares praeter dictas subsunt *Beglerbeis*, qui sunt rectores provinciarum, quales habet v 11 *Graciae*, *Anatoliae*, *Caramaniae*, *Amasiae* & *Cappadociae*, *Anacidulae*, *Mesopotamiae*, *Aegypti*, de quibus suo loco. Habet etiam Imp. 1111 aut 1 v ad summum *Consiliarios*, quos vocant *Visirbachtas*, aut simpliciter *Bassas* Theo. Sáduginus lib. de moribus Turc. colligit annuos reditus Turcae esse vasa auri LXVIIII, & LVIII millia ducatorum. Vas autem auri continet millia ducatorum centum. Ecclesiastica administratio ex Provinciali Romano ejusmodi: Archiep. Constantinopolitanus hos habet Suffraganeos, *Colubriensem* nunc forte *Chiorlich*, *Naturensem* *Spigacensem*, *Dorkensem*, *Pavandersem* forte nunc *Pandia* & *Calcedonensem*, Arch. *Heraclea*. Huic subsunt *Rodesco*, *Peristaciensis*, *Gillipolis*, *Darnensis* forte *Dardanello*, *Cyrotensis*, *Archadopolis*, forte nunc *Arco*, *Mussensis*, Arch. *Patracensis*, cui subsunt *Lampsacenus* & *Dinensis de Sellana*, Arch. *Squisicensis*, *Sequmo* forte. Huic subsunt *Troianus*, *Andrunianus*, *Jacovensis*, *Decanamonia*, *Lupadiensis*, *Epigontensis*, *Libariensis*, Arch. *Verisensis*, cui subsunt, *Rossianensis*, *Aprensis*, *Ripsalensis*, *Cypsela* opinor. Arch. *Madricensis*, *Mari* a opinor: Arch. *Andrinopolitanus*: Arch. *Traianopolis*, cui subest *Aviensis*, Arch. *Malzjacensis*, sub quo *Maronia*, Arch. *Messipolis*, cui subest *Xanonenis*, Arch. *Philippensis*, cui subsunt *Christopolis*, *Dragonensis*, *Chrisopotanus*.

B b b b

Gracia